

王莽

(白話)

摘胡適文存二集

一千九百年前的一個社會主義者

王莽受了一千九百年的冤枉。至今還沒有公平的論定。他的貴本家王安石雖受一時的唾罵。却早已有人替他伸冤了。然而王莽確是一個大政治家。他的魄力和手腕遠在王安石之上。我近來仔細研究王莽傳及食貨志及周禮。才知道王莽一班人確是社會主義者。王莽于西曆紀元九年建國。那年他就下詔曰。

古者設廬井八家。一夫一婦田百畝。什一而稅。則國給民富而頌聲作。此唐虞之道。三代所遵行也。秦爲無道。厚賦稅以自供奉。罷民力以極欲。壞聖制。廢井田。是以兼并起。貪鄙生。強者規田以千數。弱者曾無立錐之居。又置奴婢之市。與牛馬同關。制于民臣。顛斷其命。姦虐之人。姻緣爲利。至略賣人妻子。逆天心。詩人倫。繆于「天地之性人爲貴」之義。此等處皆可以補史傳的不足。百年前。董仲舒也有「去奴婢。除專殺之威」的主張。

……漢氏減輕田稅。三十而稅一。常有更賦。罷癯咸出。晉灼曰。雖老病者。皆復出口算。而豪民侵凌。分田劫假。厥名

三十稅一。實什稅五也。父子夫婦終年耕藝。所得不足以自存。故富者犬馬餘菽粟。……貧者不厭糟糠。……今更名天下田曰王田。奴婢曰私屬。皆不得買賣。其男口不盈八而田過一井者。分

餘田予九族鄰里鄉黨。故無田。今當受田者。如制度。

敢有非井田聖制。無法惑衆者。投諸四裔。以禦魘魅。如皇始祖考虞帝故事。此莽詔須看王莽傳。

莽傳說。一坐賣買田宅奴婢鑄錢。自諸侯大夫至于庶民。抵罪者不可勝數。食貨志同。

此政策卽「土地國有」「均產」「廢奴」三個大政策。當日施行時自然有大困難。到了西曆十二年中郎區博諫莽曰。

井田雖聖王法。其廢久矣。周道既衰而民不從。秦知順民之心。可以獲大利也。故滅廬井而置阡陌。遂王諸夏。迄及海內未厭其敝。今欲違民心。追復千載絕迹。雖堯舜復起而無百年之漸。弗能行也。天下初定。萬民新附。誠未可施行。(傳)

莽知民愁。及下書曰。

諸名食「王田」皆得賣之。勿拘以法。犯私買賣庶人者。且一切勿治。(同)

西曆十年莽卽位之二年初設「六筦之命」。「筦」字食貨志作「幹」。卽是「歸國家管理」之意。六筦是。

(1) 鹽 (2) 酒 (3) 鐵 (4) 名山大澤 (5) 錢布銅冶 今本錢作鐵。今依錢大昭校。据閩本 (6) 五均賒貸。

食貨志記諸筦有兩次詔令的原文。莽傳亦有兩次。一在西十年一在西十七年。食貨志第一詔當是十年的。

夫周禮有賒貸。此指泉府之職。樂語有「五均」。鄧展曰。樂語。樂元語。河間獻王所傳。道五均事。臣瓚曰。其文云。天子取諸侯之

除。恩及小民矣。沈欽韓曰。樂語。白虎通引之。

傳記各有「幹」焉。今開賒貸。張五均。設諸「幹」者。所以齊衆庶抑並兼也。

「遂于長安及五都立五均官。更名長安東西市。令及洛陽。邯鄲。臨淄。宛。成都市長。皆爲「五均司

市師」。兩市及五都皆置交易丞五人。錢府。卽泉府丞一人。此時似尙未明定「六筦」之數。諸「幹」次第舉

行。凡屬于國有富源的辦法如下。

「工商能采金銀銅連（銖）錫。登龜取貝者皆自占（于）司市錢府。順時氣而取之」……這不是國家自辦。乃是歸國家管理。凡做此項事業的。須呈報「占」于司市錢府。營業所得。國家要抽「所得稅」。故食貨志說。

諸取衆物。一鳥獸魚鼈百蟲。一于山林水澤。及畜牧者。嬪婦桑蠶。織紵紡績補縫。工匠醫巫卜祝。及它方技商販賈人坐肆列里區謁舍。皆各自占所爲於其所在之縣。官除其本。計其利。十一分之。而以其一爲貢。敢不自占。自占有不寔者。盡沒入所采取。而作「手」縣官一歲。

抽所得稅。竟抽到女工方技。似乎不確。況且科罰條文內說「盡沒入所采取」。似乎原令的所得稅只限於「諸取衆物於山林水澤。及畜牧者」。或至多「及它方技商販賈人坐肆列里區謁舍」者。莽傳也只說「命縣官酤酒。賣鹽鐵器。鑄錢。諸采取名山大澤衆物者稅之」。可以互証。

食貨志說酤酒的辦法最詳細。

令官作酒。以二千五百石爲一均。率開一廬以賣。釀五十釀爲準。一釀用粗米二斛。麴一斛。得成酒六斛六斗。各以其市月朔米麴三斛。並計其賈而參分之。以其一爲酒。一斛之平。除米麴本賈。計其利而什分之。以其七入官。其三及酢漿灰炭給工器薪樵之費。

五均之制。食貨志也說的詳細。

（一）市平。平均的
物價

「諸司市常以四時中月。實定所掌。爲物上中下之賈。各自用爲其市平。毋

拘他所」。

王莽

十六

(2) 收滯貨。衆民賣買五穀布帛絲綵之物。周于民用。而不讎者。均官有以考檢厥實。用其本賈取之。毋令折錢。

(3) 平市。萬物叩貴過平一錢。則以所收不讎之物。以平賈賣與民。其賈低賤減(于)平者。聽民自相與市。以防貴庾者。

(4) 除。民欲祭祀喪紀而無用者。錢府以所入工商之貢。但除之。師古曰。但。空也。徒也。言不取息利也。祭祀無過旬日。喪紀無過三月。

(5) 貸本。民或乏絕。欲貸以治產業者。均授之。除其費。計所得。而受息。無過歲什一。莽傳作「賒貸與民。收息百月三」。

這些政策。都是「國家社會主義」的政策。他們的目的都是「均衆庶。抑並兼」。但當那個時代。國家的組織還不完備。這種大計劃的干涉政策。當然不能一時收效。政府裡的書生又不能不依靠有經驗的商人。故食貨志又說。

義和官名置命士督五均六幹。郡有數人。皆用富賈。洛陽薛子仲。張長叔。臨菑姓偉等。乘傳求利。交錯天下。因與郡縣通姦。多張空簿。府藏不實。百姓命病。

到了西十七年。王莽又下詔曰。

夫鹽。食肴之將。酒。百藥之長。嘉言之好。鉄。農田之本。名山大澤。饒衍之藏。五均賒貸。百姓所取。平仰給以贍。錢布銅冶。通行有無。備民用也。此六者。非編戶齊民所能家作。必仰于市。雖貴數倍。不得不買。豪民富賈。即要貧弱。先聖知其然也。故筦之。每一幹爲設科條防禁。犯者罪至死。

我們看這一詔。可以知道當日的政治家確能了解「國家社會主義」的精意。六筦都是民間的「公共用具」。私人自做。勢必不能。若讓少數富賈豪民去做。貧民必致受他們的剝削。社會主義者所以主張把這種「公共用具」。一切收歸社會。或國辦理。這個意思。即是王莽的政策的用意。那是無可疑的了。

西二十一年。南郡秦豐。平原女子遲昭平各聚兵作亂。莽召羣臣問擒賊方略。故左將軍公孫祿徵來與議。他說。

國師嘉信公。

劉歆

顛倒五經。毀師法。令學士疑惑。明學男張邯。地理侯孫陽。造井田。使民棄土業。

義和魯匡設六筦以窮工商……

宜誅此數子以慰天下……

這幾個重要人物。除了劉歆之外。幾乎全不可考。若不是公孫祿明白提出。我們竟無從知道這些主名了。作井田的孫陽。已不可考。張邯見於漢書儒林傳八十八之后。蒼傳下。后蒼通詩禮。傳匡衡翼奉。蕭望之。匡衡的傳經表如下。

匡衡

琅邪師丹

伏理

穎水滿昌

九江張邯

琅邪皮容

按莽傳。滿昌爲莽太子講詩。又按后蒼傳。張邯與皮容。皆至大官。徒衆尤盛。魯匡見於後漢書魯恭傳。五十五「恭扶風平陵人也……哀王間。自魯而徙。祖父匡。王莽時爲義和有權數。號曰智囊。」

食貨志說。

國師公劉歆言。周有泉府之官。取不離。與欲得。卽易所謂「理財正辭。禁民爲非」者也。莽乃下詔。

卽十年

之詔……義和魯匡言。

名山大澤。鹽鐵。錢布帛。五均賒貸。筦在縣官。唯酒酤獨未筦……詩曰「無酒酤我」而論語曰。

王莽

十八

「酤酒不食」二者非相反也。夫詩據承平之世。酒酤在官。和旨使人。可以相御也。論語孔子當周衰亂。酒酤在民。薄惡不誠。是以疑而弗食。今絕天下之酒。則無以行禮相養。放而亡限。則費財傷民。請法古令官作酒……（餘見上）

這種穿鑿附會。絕像王莽時代的經學家。莽傳又說。公孫祿請誅數子之後。

莽怒。使虎賁扶祿出。然頗采其言。左遷魯匡爲五原卒正。以百姓怨非。故六筭非匡所獨造。莽厭衆意而出之。

大概酒筭是魯匡的計劃。其餘則劉歆等人的合作。未必是魯匡一人「所獨造」了。

西二十二年。四方盜賊并起。太師王匡等戰數不利。莽乃議遣風俗大夫司國憲等分行天下。除井田奴婢山澤六筭之禁。卽位以來。詔令不便于民者。皆收還之。待見未發。二此事竟無下文。似乎終莽之世。這些政策不曾廢除。再過一年。他就死了。

食貨志說。

「莽性躁擾。不能無爲。每有所興造。必欲依古。」

莽傳說。

莽意以爲制定。則天下自平。故銳思于地里。制禮作樂。講合六經之說。公卿旦入暮出。論議連年不決。……莽自見前顓儻以得漢政。故務自攬衆事。莽常御燈火至明。猶不能勝。……

可憐這樣一個勤勤懇懇。生性「不能無爲」。要「均衆庶抑并兼」的人。到末了。竟死在漸臺上。他的頭被一個商人杜吳斫去。尸首被軍人分裂。「支節腦骨鬻分」。而二千年來。竟沒有人替他說一句公平的話。

附註。右題間用白話講解。乃近來中國所用普通文式。閱者注意。



詩書行

仿白居易琵琶行
諸文體裁

松雲阮敦復

龍編城頭曉送客。李葉梨花春寂寂。主人下車客在坊。舉酒欲飲無文章。醉不成吟懶相顧。顧時陰陰花帶雨。忽聞林下詩書聲。主人似真客似誤。尋聲怪問讀者誰。詩書聲停欲語遲。移車相近邀相見。添酒携琴重開宴。千招萬請始出來。猶抱古書開照面之乎也者。三兩聲未成章句。先有情篇篇浪讀聲聲思。似訴平生不得志。含王吐霸續續吟。說盡心中無限事。手舞足蹈捲復舒。初爲六經後四書。大篇赫赫如天日。小篇鏗鏘如金石。鏗鏘赫赫錯雜評。大鋼小鋼截鉄釘。丁寧聖語心底訓。隱約寒流印月清。寒流屈曲光凝折。凝折未通言暫歇。別有真詮奧義存。此辰無言勝有言。河流岳峙地維立。日耀星輝天柱尊。篇終拋卷指心告。三綱五常是吾道。西園東壁悄無言。惟有花間春雨好。沉吟收卷插袖中。整頓衣冠起斂容。自言本是儒門子。家在萬春坊下住。七歲學得詩書成。名在辭林第一部。文戰常教超超服。詩成每被從綏妬。兩都年少爭束脩。桃李門前不知數。龍首雄心仕宰相。鰲頭夙願妻公主。今年得意復明年。霽月光風等閒度。毛筆運衰鉛筆起。舊去新來人物故。門前荆棘弟子稀。閒散擬作園林父。園家重榮輕黃金。前雨揮勸委金去。去來林下守閒廬。繞廬風月林窗虛。醉中忽感壯年事。酒橫書汗和蠹魚。我聞詩書已見怪。又聞此語重感慨。同是儒宗疎拙人。相逢何必曾相會。我從去年辭山局。貴文數就龍編城。龍編地勝多新學。終歲少聞詩書聲。住近珥江地繁靡。東桃西柳繞宅生。其間旦暮聞何物。燕兒學語鶯嬌鳴。春城花朝秋月夜。往往取酒還獨傾。豈無歌臺與劇院。鬧熱繁雜新爲聽。今日聞君詩書語。如逢故人耳易明。莫辭更坐評一夕。爲君翻作詩書行。感我此言良久教。教我以辭辭轉妙。洋洋不似向前言。滿坐聞之皆拍笑。就中笑向誰最多。松雲道人野冠倒。

▲孟子國文解釋出現

當新舊時代之交。乃國家固有文化續斷關係之日也。一國之文化而綿綿不絕。互相聯續。則國家之爲國家。乃有精神。若反此而中斷。則其名爲國家云者。不過一種形式而已。一國而至於僅存形式。則其國之不國。已可知矣。

我國數千年來。從事漢學。久假不歸。已成爲我所固有之文化。蓋非一日也。一自歐學東來。新潮擊刺。羣趨於形而下之學。以求其有實用。然因此而固有之精神的文化。幾乎日見消散。影響不靈。世故人情。已不可問。有心世道者。怒焉憂之。因而注意於融和新舊兩文化者。不乏其人。夫當融和新舊之日。則所謂溫故知新者。爲最不可缺之要著。所以留心繙譯書籍者。日見其多。蓋時勢之需求。所必然也。東洲松雲兩先生。因此從事繙譯。各有益書籍。以餉閱者。而孟子國文解釋。今已印行矣。孟子生於戰國之時。四面風潮。殆無異於今日。故其立論之大旨。政治哲學。民權主義。惟心主義。統一主義。含有民主社會的意義。與近時之倡各新說者。無不脗合。譯而行之。的爲對病之藥。

東洲松雲兩先生夙學也。尤精長於國文。解釋此書。簡而明。約而文。真得繙譯之三昧。凡有心欲學漢文。及研究舊文化者。不可不人手一編。以資稽攷也。

我國各法越學校。均有漢文教程。然求其有完全的漢文教科書。則未之有。今若用此書爲漢文教科書。則可以學得漢文。又可以學得國文。並可以透曉東方從來固有之文化。真一舉而三得。而凡有志自習者。亦可以不必師授。自能諳曉其真義。蓋爲教育前途之裨益。非淺鮮也。

吾願有教育責任者。審察其宜。採用此書爲各種學校漢文教科書。使一般學子。羣受其益。非惟東洲松雲兩氏得酬其志願。亦文學界之幸也。